

## სახელმწიფო შესყიდვის შესახებ ხელშეკრულება №103

ქ. ვანი

01 აგვისტო 2012 წელი

*"სახელმწიფო შესყიდვების შესახებ" საქართველოს 10<sup>ე</sup> მუხლის მე-3 პუნქტის „ა“ ქვეპუნქტის შესაბამისად*

ერთის მხრივ თვითმმართველი ერთეული ვანის მუნიციპალიტეტი (შემდგომში „შემსყიდველი“) საკრებულოს თავმჯდომარის დავით კაკაბაძის სახით და მეორეს მხრივ შპს „გზამწენი XXI“-ის (შემდგომში „სამუშაოს შემსრულებელი“) დირექტორის გოჩა ახალაძის სახით ვდებთ წინამდებარე ხელშეკრულებას შემდეგზე.

### 1. ხელშეკრულების საგანი

- ზაღდათი-ვანი-დაფნარის გზის მონაკვეთის (ვანის მონაკვეთი 32-ე კმ-დან 36-ე კმ-ის ჩათვლით) ნაწილობრივი რეაბილიტაცია - 685 990 ლარი.
- ზაღდათი-ვანი-დაფნარის გზის მონაკვეთის (ვანის მონაკვეთი მე-17 კმ-დან მე-18 კმ-ის ჩათვლით) ნაწილობრივი რეაბილიტაცია - 86 828 ლარი.  
CPV - 45233223
- შუამთა-ტოზანიერის დამუწერილი გზის (1კმ) მონაკვეთის რეაბილიტაცია - 107 400 ლარი.  
CPV - 45233220

### 2. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 2.1 „ხელშეკრულება სახელმწიფო შესყიდვის შესახებ“ (შემდგომ-„ხელშეკრულება“) - შემსყიდველ ორგანიზაციასა და ტენდერში სამუშაოს შემსრულებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები;
- 2.2 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 2.3 „შემსყიდველი ორგანიზაცია (შემდგომ „შემსყიდველი“)“ ნიშნავს ორგანიზაციას (დაწესებულებას), რომელიც ახორციელებს შესყიდვას;
- 2.4 „სამუშაოს შემსრულებელი“ ნიშნავს პირს, რომელიც ასრულებს სამუშაოს სახელმწიფო შესყიდვის შესახებ მოცემული ხელშეკრულების ფარგლებში;
- 2.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს.

### 3. სტანდარტები და ხარისხი

3.1 ხელშეკრულების ფარგლებში შესასრულებელი სამუშაოების ხარისხი უნდა შეესაბამებოდეს სამშენებლო ნორმებითა და წესებით გათვალისწინებულ მოთხოვნებს და სტანდარტებს.

### 4. ხელშეკრულების შესრულების კონტროლი

- 4.1 შემსყიდველი უფლებამოსილია სამუშაოების შესრულების პარალელურად მოახდინოს სამუშაოების შემოწმება, რომლის მიზანია მისი შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან;
- 4.2 შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს სამუშაოს შემსრულებელს დაწესებული სამუშაოების ნაწილის და წუნდების მიზეზების მითითებით;
- 4.3 გამოვლენილი დეფექტის ან ნაკლის აღმოფხვრასთან და ხელახლა ინსპექტირებასთან დაკავშირებული ხარჯების ანაზღაურება გეისრება სამუშაოს შემსრულებელს, საქართველოს კანონმდებლობით დადგენილი წესით.

4.4 სამუშაოს შემსრულებელმა სამუშაოთა წარმოების ნორმების მიხედვით სისტემატურად უნდა აწარმოოს მასალებისა და შესრულებული სამუშაოს ხარისხის კონტროლი და მიღებული შედეგები შეიტანოს ყოველდღიურად ჟურნალში;

4.5 შემსყიდველს უფლება აქვს განახორციელოს ტექნიკური ზედამხედველობა. მშენებლობის ნებისმიერ მომენტში შეამოწმოს გამოყენებული მასალებისა და სამუშაოთა შესრულების ხარისხი, იმ შემთხვევაში, თუ ხარისხი არ აღმოჩნდება საშუალო ნორმებისა და სტანდარტების შესაბამისი, შემსყიდველი მხარე უფლებამოსილია შეაჩეროს სამშენებლო სამუშაოთა წარმოება და აკრძალოს შეესაბამო მასალების გამოყენება;

4.6 ხელშეკრულების ინსპექტირებას შემსყიდველის მხრიდან განახორციელებს წინამდებარე ხელშეკრულების მე-6 მუხლის 6.4 პუნქტში აღნიშნული სამსახური;

#### 5. სამუშაოს შესრულების პირობები

5.1 სამუშაოს შესრულება დაიწება ხელშეკრულების გაფორმების დღიდან და დასრულდება 2012 წლის 25 სექტემბრამდე;

5.2 შესასრულებელი სამუშაოების დაზუსტება შესაძლებელია მუშაობის პროცესში, დეფექტური აქტის საფუძველზე;

5.3 ხელშეკრულების დამდებ არცერთ მხარეს არ აქვს უფლება შეიტანოს სამუშაოს მოცულობებში ან გრაფიკში ცვლილებები მეორე მხარესთან შეთანხმების გარეშე.

#### 6. შესყიდვის ობიექტის მიღება-ჩაბარების წესი

6.1 სამუშაოთა მიღება-ჩაბარება განხორციელდება მხოლოდ მიღება-ჩაბარების აქტის, ფორმა №2-ს, არსებობის შემთხვევაში ფარული სამუშაოების ჩატარების აქტისა და შესრულებული სამუშაოს შესახებ სსიპ "დეკან სამხარაულის სახელმძღვანელო სასამართლო ექსპერტიზის ეროვნული ბიურო"-ს მიერ შესრულებული სექსპერტო დასკვნის წარმოდგენის შემდეგ (ექსპერტის მომსახურების ხარჯები გაიწვეა სამუშაოს შესრულებლის მიერ).

6.2 შესყიდვის ობიექტის (მისი ნაწილის, ეტაპის) მიღების და ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს სამუშაოს შემსრულებელი;

6.3 შემსყიდველი ვალდებულია ოპერატიულად, წერილობითი სახით, აცნობოს სამუშაოს შემსრულებელს საბოლოო შემოწმების შედეგები დაწუნებული სამუშაოს მოცულობის და წუნდების მიზეზის მითითებით.

6.4 გარანტია შესრულებულ სამუშაოზე შეადგენს 1 წელს მიღება-ჩაბარების აქტის გაფორმებიდან.

#### 7. ანგარიშსწორება და ვალუტა

7.1 ანგარიშსწორება მოხდება ლარებში;

7.2 გადახდის ფორმა - უნაღდო;

7.3 ანგარიშსწორება მოხდება მიღება-ჩაბარების აქტისა და შესაბამისი საგადასახადო დოკუმენტაციის წარმოდგენიდან 20 დღეში.

7.4 შემსყიდველი განახორციელებს წინასწარ ანგარიშსწორებას სამუშაოს შემსრულებელთან ხელშეკრულების საერთო ღირებულების 0%-დან 50% პროცენტის ოდენობით, მხოლოდ:

ა) სამუშაოს შემსრულებლის მიერ იმავე ოდენობის თანხაზე საბანკო გარანტიის (საბანკო გარანტია შესაძლებელია წარმოდგენილ იქნას ბანკიდან ან სხვა საკრედიტო დაწესებულებიდან ან სადაზღვევო ორგანიზაციიდან) წარმოდგენის შემდეგ; საბანკო გარანტიის მოქმედების ვადა მინიმუმ 1 (ერთი) თვით უნდა აღემატებოდეს სამუშაოთა შესრულების ვადის დასრულებას.

#### 8. ფასები

8.1 ხელშეკრულების ღირებულება შეადგენს 880 218 (რვაასოთხმოციათას ორასთორამეტი) ლარს.

8.2 სამუშაოს შემსრულებლის მიერ დაფიქსირებული ფასი წარმოადგენს ხელშეკრულების ღირებულებით პარამეტრს;

8.3 ხელშეკრულების ღირებულებითი პარამეტრის შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის გარდა საქართველოს სამოქალაქო კოდექსის 398-ე მუხლით დადგენილი შემთხვევებისა;

8.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

## 9. ხელშეკრულებაში ცვლილებების შეტანა

- 9.1 ხელშეკრულების პირობების ცვლილება არ დაიშვება, ორივე მხარის მიერ ხელმოწერილი წერილობითი შესწორებების გარდა;
- 9.2 თუ რაიმე წინასწარ გათვალისწინებული მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია;
- 9.3 ნებისმიერი ცვლილება, რომელსაც მოყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით დადგენილი შემთხვევებისა „სახელმწიფო შესყიდვების შესახებ“ საქართველოს კანონის მოთხოვნათა გათვალისწინებით. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

## 10. უფლებების გადაცემა

- 10.1 სამუშაოს შესრულებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით განსაზღვრული თავისი უფლებები და მოვალეობები მესამე პირს.
- 10.2 მესამე პირთან ურთიერთობაში მხარეები მოქმედენ თავიანთი სახელით, ხარჯებითა და რისკით.

## 11. ხელშეკრულების შესრულების შეფერხება

- 11.1 თუ ხელშეკრულების შესრულების პროცესში მხარეები წაწყდებიან რაიმე ხელშეშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამოწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება აღნიშნულ გარემოებებთან დაკავშირებით;
- 11.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

## 12. მხარეთა უფლება მოვალეობები

- 12.1 შემსყიდველი და სამუშაოს შემსრულებელი მოქმედებენ საქართველოს კანონმდებლობის სრული დაცვით.
- 12.2 შემსყიდველი ვალდებულია:
- დროულად და კეთილ სინდისიერად შეასრულოს ხელშეკრულებით ნაკისრი ვალდებულებები;
  - ხელშეკრულებით გათვალისწინებული სამუშაოების შესრულებისას საქმის კურსში ჩააყენოს სამუშაოს შემსრულებელი ყველა განსაკუთრებული გარემოებების წარმოშობის შესახებ;
  - ხელშეკრულებით გათვალისწინებული პირობების შესაბამისად აღწავალოს სამუშაოს შემსრულებელს შესრულებული სამუშაოს ღირებულება;
  - წერილობითი ფორმით დაუყოვნებლივ აცნობოს სამუშაოს შემსრულებელს რაიმე დეფექტის ან ნაკლის აღმოჩენის შესახებ.
- 12.3 შემსყიდველს უფლება აქვს:
- განახორციელოს კონტროლი და ზედამხედველობა შემსყიდველის მიერ ხელშეკრულების პირობების დაცვაზე;
  - განახორციელოს შესრულებული სამუშაოების ტექნიკური ზედამხედველობა და შემოწმოს მათი შესაბამისობა შემსყიდველის ქვეყანაში მოქმედი მშენებლობის ნორმებისა და წესებში გათვალისწინებული ხარისხის კრიტერიუმების ტექნიკური სპეციფიკაციების, საქართველოში მოქმედი სტანდარტების გათვალისწინებით;
  - ხელი მოაწეროს სამუშაოების მიღება-ჩაბარების (შესრულების) აქტებს;
  - საქართველოს კანონმდებლობის შესაბამისად შეაჩეროს ან შეწყვიტოს სახელმწიფო შესყიდვის შესახებ დადებული ხელშეკრულების მოქმედება, თუ სამუშაოს შესრულებლის მიერ წარმოდგენილი საკვალიფიკაციო მონაცემები ყალბი აღმოჩნდება;
- 12.4 სამუშაოს შემსრულებელი ვალდებულია:
- დროულად და კეთილსინდისიერად შეასრულოს ხელშეკრულებით ნაკისრი ვალდებულებები;
  - სამუშაო ნორმებისა და წესების სრული დაცვით უზოუნველყოს სამუშაოთა მაღალი ხარისხით შესრულება და მათი დამთავრება დადგენილ ვადებში;

- სამუშაოების შესრულების პროცესში შეტყობინების მიღებისთანავე აღმოფხვრას უხარისხოდ შესრულებული სამუშაო შემსყიდველის მხრიდან რაიმე დამატებითი დანახარჯების გაწვევის გარეშე;
- სამუშაოების შესასრულებლად აუცილებელი მასალები, აღჭურვილობა და მექანიზმების მოწოდება უზრუნველყოფილი უნდა იქნას სამუშაოს შესრულების მიერ საკუთარი შესაძლებლობებით და რესურსებით და სამუშაოს შესრულებელი პასუხისმგებელი უნდა იყოს აღნიშნული მასალების, აღჭურვილობის და მექანიზმების უსაფრთხოებაზე. ხსენებული მასალების დაკარგვის ან გაუმართაობის შედეგად გამოწვეული რისკი ეკისრება სამუშაოს შესრულებელს;
- სამუშაოს შესრულებელმა სამუშაოების განხორციელების განმავლობაში მათ მიღებამდე საქართველოს მოქმედი კანონმდებლობის და არსებული ნორმების შესაბამისად, უნდა მიიღოს აუცილებელი ზომები ტექნიკური უსაფრთხოების და გარემოს დაცვის უზრუნველსაყოფად;
- ნებისმიერ დროს, წინასწარი შეტყობინების გარეშე დაუშვას შემსყიდველი და მისი წარმომადგენლები სამუშაო მოედნებზე.

**12.5** სამუშაოს შესრულებელს უფლება აქვს:  
 - მოსთხოვოს შემსყიდველს ხელშეკრულებით გათვალისწინებული პირობების შესაბამისად შესრულებული სამუშაოების ღირებულების ანაზღაურება.

**13. ხელშეკრულების პირობების შეუსრულებლობა და პასუხისმგებლობა**

**13.1** ხელშეკრულების პირობების შეუსრულებლობად ჩაითვლება, თუ სამუშაოს შესრულებელი:

- არ დაიწყებს წინამდებარე ხელშეკრულებით ნაკისრი ვალდებულებების შესრულებას გათვალისწინებულ ვადაში;
  - არ ასრულებს ან არაჯეროვნად ასრულებს ხელშეკრულებით ნაკისრ ვალდებულებებს;
  - სისტემატიურად და/ან უხეშად არღვევს ხელშეკრულების პირობებს შემსყიდველს უფლება აქვს ცალმხრივად შეწყვიტოს ხელშეკრულების მოქმედება და დააკისროს ხელშეკრულებით გათვალისწინებული ვალდებულებების შესრულებლობით გამოწვეული ზიანის ანაზღაურება საქართველოს მოქმედი კანონმდებლობით გათვალისწინებული წესის შესაბამისად;
- 13.2** თუ სამუშაოს შესრულებელი გადააცილებს შემსყიდველს (გრაფიკით) გათვალისწინებულ სამუშაოს შესრულების ვადას, დაეკისრება პირგასამტეხლო ყოველ ვადა გადაცილებულ დღეზე შეუსრულებელი სამუშაოების ღირებულების 0,1%-ის ოდენობით;
- 13.3** იმ შემთხვევაში თუ ვადების გადაცდენისათვის დაკისრებული პირგასამტეხლოს ჯამური თანხა გადაჭარბებს ხელშეკრულების ღირებულების 4%-ს, შემსყიდველს უფლება აქვს შეწყვიტოს ხელშეკრულება.
- 13.4** საჯარიმო სანქციის გადახდა არ ათავისუფლებს სამუშაოს შესრულებელი ძირითადი ვალდებულებების შესრულებისაგან.

**14. ხელშეკრულების შეწყვეტა მისი პირობების შეუსრულებლობის გამო**

**14.1** შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, სამუშაოს შესრულებლისათვის ვალდებულებების შესრულებლობის წერილობითი შეტყობინების შემდეგ:

- თუ სამუშაოს შესრულებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია შეასრულოს სამუშაო ან მისი ნაწილი;
- თუ სამუშაოს შესრულებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება;

**14.2** ხელშეკრულების ცალკეული პირობების მოქმედების შეწყვეტა არ ათავისუფლებს სამუშაოს შესრულებელს დანარჩენი ვალდებულებების შესრულებისაგან.

**14.3** შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

- თუ შემსყიდველისათვის ცნობილი გახდება, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- შესრულებლის გაკოტრების შემთხვევაში;
- საქართველოს კანონმდებლობით გათვალისწინებულ სხვა შემთხვევებში;

**14.4** ამ მუხლის მე-3 პუნქტში მითითებულ შემთხვევებში შემსყიდველი ვალდებულია აუნაზღაუროს სამუშაოს შესრულებელს ფაქტიურად შესრულებული სამუშაოს ღირებულება.

**15. ფორს-მაჟორი**

**15.1** ხელშეკრულების დამდები, რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

15.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუღებელ და მათი კონტროლისაგან დამოუკიდებელ გარემოებებს, რომლებიც არ არის დაკავშირებული შემსყიდველის და/ან სამუშაოს შესრულების შეცდომებსა და დაუდევრობასთან, რომლებსაც გააჩნია წინასწარ გაუთვალისწინებელი ხასიით, ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით და საქონლის მოწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

15.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუზავნოს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ, თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიწვიოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

15.4 თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გრძელდება ერთ თვეზე მეტხანს მხარეებს უფლება აქვთ შეწყვიტონ ხელშეკრულების მოქმედება კომპენსაციის მოთხოვნების უფლების გარეშე.

## 16. სადაო საკითხების გადაწყვეტა

16.1 შემსყიდველმა და სამუშაოს შემსრულებელმა ყველა დონე უნდა იხმაროს, რათა პირდაპირ არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დევა წარმოქმნილი მათ შორის ხელშეკრულების ან მათთან დაკავშირებული სხვა კომპონენტის ირგვლივ.

16.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და სამუშაოს შემსრულებელი ვერ შეძლებს სადაო საკითხების შეთანხმებით მოგვარებას, ნებისმიერ მხარეს დაეის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს, თუ ხელშეკრულების სპეციფიკურ პირობებში სხვა რამ არ არის გათვალისწინებული.

## 17. გამოყენებული სამართალი

17.1 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

## 18. ხელშეკრულების ენა

18.1 ხელშეკრულება შედგენილ უნდა იქნეს ქართულ ენაზე, იმ შემთხვევაში თუ ხელშეკრულების მეორე მხარე არ არის უცხო ქვეყნის წარმომადგენელი, მაშინ მეორე ეგზემპლარი ითარგმნება სამუშაოს შემსრულებლისათვის მისაღებ ენაზე, ინტერპრეტაციისას ქართულ ენაზე დაწერილი ხელშეკრულება წარმოადგენს გადამწყვეტს. ხელშეკრულებასთან დაკავშირებული მოელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის, უნდა შეესაბამებოდეს აღნიშნულ პირობებს.

## 19. შეტყობინება

19.1 ნებისმიერი შეტყობინება, რომელსაც ერთი მხარე, ხელშეკრულების შესაბამისად უზავნის მეორე მხარეს გაიგზავნება წერილის, დეკუმის, ტელექსის ან ფაქსის სახით, ორიგინალის შემდგომი წარმოადგენით, ხელშეკრულებაში მითითებულ მეორე მხარის მისამართზე.

19.2 შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით თუ ამ თარიღებიდან, რომელი უფრო გვიან დგება.

## 20. გადასახადები და დაბეგრა

20.1 უცხოური შემსრულებელი პასუხს აგებს სამუშაოს შესრულებასთან დაკავშირებული ყველა იმ გადასახადების, ბაჟების, მოსაკრებლების და სხვა გადასახადების გადახდაზე, რომლებიც გადასახადელია საქართველოს ფარგლებში და მის გარეთ.

20.2 ადგილობრივი შემსრულებელი პასუხს აგებს საქართველოს კანონმდებლობით დადგენილი გადასახადის, მოსაკრებლის და სხვა გადასახადების გადახდაზე.

21. ხელშეკრულების მოქმედების ვადა

21.1 ხელშეკრულება ძალაში შედის მხარეთა მიერ მისი ხელმოწერის თარიღიდან და ძალაშია 2012 წლის 20 ოქტომბრამდე.

22. სხვა პირობები

22.1 ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.  
22.2 ხელშეკრულება შედგენილია ქართულ ენაზე, ოთხ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან, ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.  
22.3 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა ხელმოწერილი მხარეთა მიერ.

„შემსყიდველი“

ვანის მუნიციპალიტეტის საკრებულო  
ქ. ვანი თავისუფლების ქ. №65  
ს/კ 229653256  
ა/ა GE14LB0120198505210000  
ს/კ LBRTGE22

  
-----  
გოგიტ კაკაბიძე  
ვანის მუნიციპალიტეტის საკრებულოს  
თავმჯდომარე

„შემსრულებელი“

შპს „გზამშენი XXI“  
ქ. ქუთაისი ანჯაფარიძის ქ. №100ა  
ს/კ 212709498  
ა/ა GE60TB0300000360501010  
ს/კ TBCBGE22

  
-----  
გოჩა ახლაძე  
შპს „გზამშენი XXI“-ის დირექტორი

